

Kaiatushkatakanit Mashinaikan e uauitakanit assi nete uinipekut Naputau

**Kanata – Akamassiss mak Naputau ka apit
utshimauat anite pimi e uauitakanit (C-NLOPB)**

May 2017


Nete pet utat upau-pishim^u 2008 shash ume mashinaikan tshi unuepanitakanu. Ek^u anutshish etatu minuat takuan tipatshimun kie ui etatu uauitakanu. Ne mashinaikan shashish ka unuepanitakanit ishinikateu *Strategic Environmental Assessment* (SEA) kie nete ka nanitu-tshissenitakanit ishinikateu: Strategic Environmental Assessment Labrador Shelf Offshore Area (anitshenat ka nanitu-tshissenitak ishinikatakanuat Sikimiut Environmental Management Ltd. 2008). Ne 2008 SEA mashinaikan mamu itushkatamupanit anitshenat ka ishinikatakananit Working Group ekuan ne peik^u utshimau epit anite uet C-NLOPB mak anitshenat passe aissimeuat. Ume kutak mashinaikan etutam e mishaimat kie e tatakanit etatu tipatshimun usham mishkakanu minuat tshekuan tshetshi ashtakanit uta mashinaikanit. Nete mamit Napatau ekuan ushkat natu-tshissenitakanipan eku anutshish ushte nete minuat natu-tshissenitakanipan ekuan ne kukuetshitshemakanipan Comission Limits of the Continental Shelf (CLCS) . Nete etatu eshpishat tshipa tshi mishkutinakanu patush ne issishuetau anitshenat utshimauat ka apit anite CLCS.

Ume SEA e tutakanit kie e natu-tshissenitakanit etatu anite minuat mishau eshi-natu-tshissenitakanit. Nimaiu muk^u uinipek^u e natu-tshissenitakanit. Kassinu anite iat tshika natu-tshissenitakanu. Ume tshi-natu-tshissenitakaniti eku patush tshessenitak anitshenat utshimauat tshetshi tapuetuakananit tshetshi etatu natu-tshissenitakanit. ---

Ume tshitshipananuti tshipa tshi pakapanitakanu ne assi atamit tekuak nipit kie ma tshipa pakuneiapishkaitsheuat anite atamit tshetshi natu-tshissenitakanit pimi tshetshi takunakue. Ishinakuak tshetshi ma mishkakanit ne pimi mamitshet tshekuan tshika tutakannu tshetshi atushkatakanit miam pakapanitakanu ne assi anite atamit nipit kie tshika pakuneiapishkaitshenanu kie nete mashten tshika tshiuetaashikanu ne tshekuan ka itapishtakanit tshi tshishtakaniti atusseun.

Ne 2008 SEA mashinaikan ka utakanit ushkat etatu anutshish takuan tipatshimun usham mishkakanu minuat tshekuan tshetshi ashtakanit uta SEA Update mashinaikanit ka ishinikatet. Eshpish ne mishta-atshitashun 2008 ka itashtet tshika etatu takuan mashinaikan. Tshika uapatanikunau eshi-mishkakanit tshekuan anite assit kie anite eshi-inniumakak kassinu tshekuan. Kie iat tan tshe ishpanit assi kie nipit mishkakaniti ne pimi. Tshika apishtakanu iat nenu Innu kie aissimueu eshi-tshissenitak assinu kie uinipekunnu. Kassinu tshekuan tshika uitamakunau eshpish mishkakanit kie tshekuan ne tshe eka minupanit kie mak e pataikanit.

Figure 1: SEA assiu-mashinaikan kie ne mashinaikan katutakanit etatu minuat tshekuan mishkakanit uta SEA Update kaishinikatet.



Ume 2008 SEA mashinaikan ka tutakanit tshika apashtakanu eshi-mishkak kie eshi-tshissenitak akaneshau tshekuannu kie ne eshi-inniumakak assit tshekuan kie nenu iat innu kie aissimeu eshi-tshissenitak assit tshekuannu. Ekuan ne mamushtakaniti eshi-tshissenitakanit tshekuan tshika ishinakateu Valued Ecosystem Component (VEC) Ne kue tutakanit tshetshi tshissenitakanit tan tshipa ishinakuan assi kie uinipek^u. Tshika uauitakanu tshekuan ume ut tutakanit. Ne tshika tshitapatakanu VEC ka ishinikatet, kie patush tshi kukuetshtshemakanitau anitshenat ka tshissenitak, miam mate ne eshi-tshissenitak akaneshau, kie ne eshi-inniumakak assit tshekuan, kie nenu iat innu kie aissimeu eshi-tshissenitak. Ne VEC tshika iat tshitapatakanu namesh, shiship, kassinu aueshish ka tat nipit, kie nete iat innu kie aissimeu ka natuat. Ne mishta-atshitashun 2008 ka itashtet mashinaikanit ka unuepanit etatu pet mishkakannu tshekuan. Tshika uapatanikunau eshi-mashkakanit tshekuan anite assit kie anite eshi-inniumakak kassinu tshekuan nipit kie assit.

Eshpish ume tutakanit mashinaikan SEA kassinu anitshenat ka uauitshiaushit C-NLOPB kie ka atusseht, aissimeuat (Nunasiavut) tshishe-utshimauat, mamu innuat kie aissimeuat kie nenu kassinu utenau ute Naputau, kakusset iat, kie anitshenat eka itashkuat tshishe-utshimau. Tshika ui petuakanuat auenitshenat anite utenamuat kie tshika uauitamuakanuat ka atushkatat umenu. Innu ka ishi-tshissenitak tshekuannu tshika ui petuakanut iat miam ne nutim innuat, aissimeuat kie anitshenat NunatuKavut. Nika mishta-uitshikunan nenu innuat, aissimeuat kie anitshenat NunatuKavut e ishi-tshissenitahk uinuau. Nika uipat tutenan ume eshk^u eka tshitshipananut kie nika uauitshikunanit anitshenat ka atusset Working Group, ekuan ne peik^u utshimau epit anite uet C-NLOPB mak peik^u tshishe-utshimau aissimeu. Kassinu tshekuan eshpish ishpitenitakuak assit kie tshe ishi-mishkutshipanit assi tshika uauitakanu kie tshitapatakanu anite VEC ka ishinikatet ka natu-tshissenitakanit.